



FLETORJA ZYRTARE

E

REPUBLIKËS SË SHQIPËRISË

Botim i Qendrës së Publikimeve Zyrtare

Nr. 45

2002

Korrik

P Ë R M B A J T J A

		Faqe
Vendim i KM nr. 347, datë 11.7.2002	Për miratimin e listës së barnave që rimbursohen nga Instituti i Sigurimeve të Kujdesit Shëndetësor, dhe masën e mbulimit të çmimit të tyre.....	1299
Vendimi KM nr. 350, datë 18.7.2002	Për emetimin e obligacioneve afatgjata me maturim më të madh se një vit.....	1349
Vendim i KM nr. 355, datë 18.7.2002	Për një shtesë fondi në buxhetin e vitit 2002, miratuar për Ministrinë e Ekonomisë.....	1349
Vendimi KM nr. 357, datë 18.7.2002	Për dhënien e statusit "spital universitar", Spitalit Ushtarak Qendror.....	1350

VENDIM
Nr. 347, datë 11.7.2002

**PËR MIRATIMIN E LISTËS SË BARNAVE QË RIMBURSOHEN NGA INSTITUTI I
SIGURIMEVE TË KUJDESIT SHËNDETËSOR, DHE MASËN E MBULIMIT TË ÇMIMIT
TË TYRE**

Në mbështetje të nenit 100 të Kushtetutës dhe të neneve 4 e 15 të ligjit nr. 7870, datë 13.10.1994 “Për sigurimet shëndetësore në Republikën e Shqipërisë”, me propozimin e Ministrit të Shëndetësisë, Këshilli i Ministrave

VENDOSI:

1. Miratimin e listës së barnave që rimbursohen, e cila i bashkëlidhet këtij vendimi.
2. Masa e mbulimit të çmimeve të listës së barnave që rimbursohen, sipas grupeve, është si më poshtë vijon:

Sipas klasifikimit, ATC e grupuar, është në masën 50 për qind deri në 100 për qind.

Grupi I - Masa e mbulimit 100 për qind

Në këtë grup përfshihen barnat me nivelin më të lartë të rimbursimit dhe bëjnë pjesë në këto grupe terapeutike: J04, L01, L02, L03, L04, M05, V03.

Konkretisht:

- antimykobakterialët;
- barnat antineoplazikë;
- barnat në terapinë endokrine;
- imunostimuluesit;
- immunosupresivët;
- barnat për çrregullimet e sistemit muskulo-skeletik;
- të gjitha produktet e tjera terapeutike.

Grupi II - Masa e mbulimit 85 për qind deri në 95 për qind

Në këtë grup përfshihen barnat që bëjnë pjesë në këto grupe terapeutike: A09, A10, B01, B03, H01, H05, M04, N03, N04, N07.

Konkretisht:

- digjestivët, përfshi enzimët;
- antidiabetikët;
- antikoagulantët;
- hormonet e hipofizës dhe hipotalamusit;
- kalcium hemeostatikët;
- preparatet antigutozë;
- antiepileptikët;
- antiparkinsonikët;
- barnat e tjera për sistemin nervor.

Grupi III - Masa e mbulimit 75 për qind deri në 85 për qind

Në këtë grup përfshihen barnat që bëjnë pjesë në këto grupe terapeutike: C01, C02, C04, C08, C09, H03, J05, N05, R03.

Konkretisht:

- barnat në terapitë kardiake;
- antihipertensivët;
- vazodilatatorët periferikë;
- kalciblokuesit;

- barnat vepruese në sistemin renin-angiotensin;
- barnat në terapinë e tiroides;
- barnat antivirale, sistemike;
- psikoleptikët;
- antiastmatikët.

Grupet IV - Masa e mbulimit 65 për qind deri në 75 për qind

Në këtë grup përfshihen barnat që bëjnë pjesë në këto grupe terapeutike: A02, A07, B05, C03, C07, C10, G01, G02, G04, H02, N02, N06.

Konkretisht:

- antiacidët, barnat për mjekimin e ulçerës peptike dhe flatulencës;
- antidiarrikët, antiinflamatorët dhe antiseptikët intestinalë;
- zëvendësuesit e plazmës dhe perfuzionet;
- diuretikët;
- betablokuesit;
- barnat për reduktimin e lipideve në gjak;
- antiinfektivët dhe antiseptikët gjinekologjikë;
- barnat e tjera gjinekologjike;
- urologjikët;
- kortikosteroidët sistemike;
- analgjezikët;
- psikoanaleptikët.

Grupi V - Masa e mbulimit 55 për qind deri në 65 për qind

Në këtë grup përfshihen barnat që bëjnë pjesë në këto grupe terapeutike: A03, A05, A11, B02, C05, G03, J01, J02, M01, P02, R05, S01.

Konkretisht:

- barnat antiseptike, antikolinergjike dhe propulsivë;
- kolagogët dhe hepatoprotektorët;
- vitaminat;
- antihemorgjikët;
- vazoprotektorët;
- hormonet seksuale dhe modulatorët e sistemit gjeneral;
- antibakterialët sistemike;
- antimykotikët sistemike;
- antiinflamatorët dhe antireumatikët;
- antihelmintikët;
- barnat kundër kollës dhe rrufës;
- barnat oftalmikë.

Grupi VI - Masa e mbulimit 50 për qind

Në këtë grup përfshihen barnat që kanë nivelin më të ulët të rimbursimit dhe që bëjnë pjesë në këto grupe terapeutike: A06, A12, D01, D06, D07, R01, R06, V07.

Konkretisht:

- laksativët;
- shtesat e kripërave minerale;
- antimykotikët dermatologjikë;
- antibiotikët dhe kimioterapeutikët dermatologjike;
- preparatet dermatologjikë;
- preparatet dermatologjike të kortikosteroideve;
- preparatet nazale;
- antihistaminikët sistemike;
- të gjitha produktet e tjera joterapeutike.

3. Masa e mbulimit të çmimeve të barnave të reja alternative të pasqyrës II, e cila i bashkëlidhet këtij vendimi, është 50 për qind.

4. Efekti financiar prej 280 000 000 (dyqindetëdhjetë milionë) lekësh të përballohet nga buxheti i vitit 2002, miratuar për Institutin e Sigurimeve të Kujdesit Shëndetësor.

Çdo disbalancim financiar të përballohet nga fondi rezervë i këtij Instituti.

5. Ngarkohen Ministria e Shëndetësisë dhe Instituti i Sigurimeve të Kujdesit Shëndetësor, i cili përcakton kufizimet në përdorimin e barnave të kësaj liste, për zbatimin e këtij vendimi.

6. Vendimi nr. 307, datë 12.5.2001 i Këshillit të Ministrave “Për listën e barnave që rimbursohen nga Instituti i Sigurimeve të Kujdesit Shëndetësor, dhe masën e mbulimit të çmimit të tyre”, shfuqizohet.

Ky vendim hyn në fuqi pas botimit në Fletoren Zyrtare.

KRYEMINISTRI
Pandeli Majko

VENDIM
Nr. 350, datë 18.7.2002

PËR EMETIMIN E OBLIGACIONEVE AFATGJATA ME MATURIM MË TË MADH SE NJË VIT

Në mbështetje të nenit 100 të Kushtetutës dhe të neneve 4 pika 5 e 23 pika 3 të ligjit nr.8379, datë 29.7.1998 “Për hartimin dhe zbatimin e Buxhetit të Shtetit të Republikës së Shqipërisë”, me propozimin e Ministrit të Financave, Këshilli i Ministrave

VENDOSI:

1. Lejimin e Ministrisë së Financave të emetojë, në emër të Qeverisë së Republikës së Shqipërisë, obligacione afatgjata, me afat maturimi më të madh se një vit dhe përdorimin e tyre brenda kuadrit ligjor në fuqi.

2. Ministria e Financave, në bashkëpunim me Bankën e Shqipërisë, të përcaktojë procedurat teknike të emetimit, blerjes, maturimit dhe regjistrimit kontabël të këtyre obligacioneve afatgjata.

3. Komiteti i administrimit të huave të brendshme të përcaktojë strategjinë e emetimit të obligacioneve afatgjata, në përputhje me programet në këtë fushë dhe planifikimin buxhetor.

Ky vendim hyn në fuqi pas botimit në Fletoren Zyrtare.

KRYEMINISTRI
Pandeli Majko

VENDIM
Nr. 355, datë 18.7.2002

PËR NJË SHITESË FONDI NË BUXHETIN E VITIT 2002, MIRATUAR PËR MINISTRINË E EKONOMISË

Në mbështetje të nenit 100 të Kushtetutës të neneve 21 dhe 27 të ligjit nr.8379, datë 29.7.1998 “Për hartimin dhe zbatimin e Buxhetit të Shtetit të Republikës së Shqipërisë”, dhe të nenit 7 të ligjit nr.8749, datë 19.12.2001, “Për Buxhetin e Shtetit të vitit 2002”, me propozimin e Ministrit të Ekonomisë dhe të Ministrit të Financave, Këshilli i Ministrave

VENDOSI:

1. Ministrisë së Ekonomisë, në buxhetin e vitit 2002, t'i shtohet fondi prej 8 500 000 (tetë milionë e pesëqind mijë) lekësh, kontribut i Qeverisë Shqiptare për realizimin e projektit "Shërbimi këshillimor për investimet e huaja".
2. Ky fond të përballohet nga fondi rezervë i Këshillit të Ministrave.
3. Ngarkohet Ministria e Ekonomisë dhe Ministria e Financave për zbatimin e këtij vendimi. Ky vendim hyn në fuqi pas botimit në Fletoren Zyrtare.

KRYEMINISTRI
Pandeli Majko

VENDIM
Nr. 357, datë 18.7.2002

PËR DHËNIEN E STATUSIT "SPITAL UNIVERSITAR", SPITALIT USHTARAK QENDROR

Në mbështetje të pikës 2 të neni 100 të Kushtetutës, të ligjit nr.3766, datë 17.2.1993 "Për shërbimin shëndetësor dhe dhënie falas të ndihmës mjekësore të shtetit", të neni 13 të ligjit nr.8461, datë 25.2.1999 "Për arsimin e lartë në Republikën e Shqipërisë" dhe të ligjit nr.8718, datë 29.7.1998 "Për hartimin dhe zbatimin e Buxhetit të Shtetit të Republikës së Shqipërisë", me propozimin e Ministrit të Mbrojtjes, Këshilli i Ministrave

VENDOSI:

1. Spitalit Ushtarak Qendror i jepet statusi "spital universitar" dhe emërtohet "Spitali Ushtarak Qendror Universitar" (SUQU).
2. Spitali Ushtarak Qendror Universitar funksionon me këtë strukturë organizative:
 - a) Spitali Ushtarak (SU);
 - b) Instituti i Kërkimeve Mjekësore Ushtarake (IKMU);
 - c) Qendra Kombëtare e Traumatologjisë (QKT).
3. Drejtori i Përgjithshëm i Spitalit Ushtarak Qendror Universitar është mjek ushtarak dhe emërohet e lirohet nga Kryeministri, me propozimin e Ministrit të Mbrojtjes.
4. Buxheti i Spitalit Ushtarak Qendror Universitar përcaktohet zë më vete në buxhetin e Ministrisë së Mbrojtjes.
5. Këshilli i Ministrave miraton rregulloren e brendshme të organizimit dhe funksionimit të Spitalit Ushtarak Qendror Universitar.
6. Ngarkohen Ministria e Mbrojtjes, Ministria e Financave, Ministria e Shëndetësisë dhe Ministria e Arsimit dhe Shkencës për zbatimin e këtij vendimi. Ky vendim hyn në fuqi pas botimit në Fletoren Zyrtare.

KRYEMINISTRI
Pandeli Majko

Fletorja Zyrtare gjendet:

- Në çdo njësi postare të çdo qyteti;
- Pranë Qendrës së Publikimeve Zyrtare:
Rr.Qemal Stafa, pranë ndërtesës së Prokurorisë së Përgjithshme.

U dorëzua për shtyp më 29.7.2002
Doli nga shtypi më 30.7.2002

Tirazhi: 4250 copë

Formati: 60x88/8

Shtypshkronja e Qendrës së Publikimeve Zyrtare
Tiranë, 2002

Çmimi: 200 lekë